

Latit. Gr. Scr.	Longit. Gr. Scr.
36. 30.	71. 0.

60 INDEX GEOGRAPHICUS.

Hul. Genes. 10. v. 23. Filii Aram: Us, & Hul, & Gether, & Mes. Hul Syriam Comagenam, Cyrrepticam, &c. interpretatur. V. Aram.

Hus aliàs Us. Tres sunt hujus nominis filii; primus filius Sem, five potius filius Aram, filii Sem; secundus filius Nachor fratris Abraham; tertius filius Disan, filii Sem, filii Esaü. De primo Hus, 1. Paral. 1. v. 17. Filii Sem: Ælam, & Assur, & Arphaxad, & Lud, & Aram, & Hus, & Hul, & Gether, & Mosoch. Paulo aliter Genes. 10. v. 22. Filii Sem: Ælam, & Assur, & Arphaxad, & Lud, & Aram, v. 23. Filii Aram: Us, & Hul, & Gether, Mes. In Genesi etenim Us (qui in Paralipom. est Hus) & Hul, & Gether, & Mes (qui in Paralip. est Mosoch) sunt filii Aram, filii Sem. In Paralip. Hus (qui in Genesi est Us) & Hul, & Gether, & Mosoch (qui in Genesi est Mes) sunt filii ipsiusmet Sem. Sed jam diximus aliquando nepotes cum filiis confitos esse. De secundo Hus, Genes. 22. v. 20. Nunciatum est Abraham, quod Melcha genuisset filios Nachor fratri suo, v. 21. Hus primogenitum, & Buz fratrem ejus, & Camuël patrem Syrorum, v. 22. & Cased, & Azau, Pheldas quoque, & Jedlaph, v. 23. ac Bathuel, de quo nata est Rebecca; octo istos genuit Melcha Nachor fratri Abraham. De tertio Hus, qui filius Disan septimi, & ultimi filiorum Seir Horrai, Genes. 38. v. 28. habuit autem filios Disan: Hus, & Aran. & 1. Paralip. 1. v. 42. Filii Disan: Hus & Aran eod. cap. v. 38. Filii Seir... Disan. Seir autem filius fuit Esaü, qui filius Isaac, qui filius Abraham. Quidquid sit tres habemus Hus; unum filium Sem, aut filium Aram filii Sem; alterum filium Nachor, fratris Abraham; tertium filium Disan, filii Seir. Primi posteris locum dedimus in Aram, quæ est Syria, & penes Damascus. Vide Aram. Secundi posteris locum dedimus ubi Æsitæ, vel ut mavult Bochartus Usitæ Ptolemi. in Arabia deserta: nec ii longè à Mesopotamia, ubi Nachor degebat. Tertii posteros descripsimus in Idumæa five Edom, ubi Esaü.

Hyrcañum castellum, quod Herodes, ut & Alexandrium, & Herodium, & Machæruntem magnificè extruxit Joseph. variis in locis Antiq. & Bell. Corpus Antipatri, qui ab Herode patre occidi jussus est, in Hyrcanium castellum deportatum est. Joseph. 1. Bell. 21.

I.

Jabes-Galaad. Hujus urbis prima mentio est Judic. 21. cum habitatores Jabes-Galaad inventi sunt non interfuisse in Israëlitarum exercitu, qui Benjamitas ob stuprum Levitæ uxori illatum deleverunt; ideoque & habitatores omnes Jabes-Galaad interfecti præter virgines, quas profugis Benjamitis reliquis in uxorem dedere, 1. Reg. 11... Naas Ammonitarum Rex urbem Jabes-Galaad obsidet, deditionemque spernit, nisi civibus dexter oculus eruatur. Saül accepto nuntio convocat Israël, urbem obsidione solvit, Ammonitas vicit, dissipavitque. Ex eod. lib. 31. Habitatores Jabes-Galaad hujus beneficii memores, cum Philisthiim Saülem & Saülis filios interfecissent, & in muris Bethsan suspendissent, ipsi fortissimi quique tulerunt Saülis, & filiorum ejus corpora, & in nemore Jabes-Galaad sepelierunt.

Jaboc, Jeboc, Torrens, Genes. 32. v. 22. cumque mane surrexisset (Jacob) tulit duas uxores suas, & totidem famulas cum undecim filiis, & transivit vadum Jaboc, ut occurreret fratri suo Esaü. Numer. 21. v. 24. Et possessa est Terra ejus (Sehon Regis Amorrhæorum) ab Arnon usque Jeboc. Jud. 11. v. 22. Et universos fines ejus (Regni Sehon) de Arnon usque Jaboc: & de solitudine usque ad Jordanem.

Jaffa.

33. 0.	69. 0.
32. 0.	75. 0.
30. 20.	66. 0.
32. 9.	66. 35.

32. 26.	67. 57. $\frac{1}{2}$
---------	-----------------------

32. 20.	67. 55.
---------	---------